


## Terompeta tse Supileng



---

### SABATHA MANTSIBOEA

#### **Bakeng sa thuto ea Beke ena, Bala:**

Tšen. 8:1–13; Num. 10:8–10; Ezek.10:2; Tšen. 10:1–11; Dan. 12:6, 7; Tšen. 11:1–13; Levitike 16.

#### **Temana ea Khopolo:**

“Empa mehleng ea lentsoe la lengeloi la bosupa, ha terompeta ea lona e tla lla, ke moo sephiri sa Molimo se tla phetheha, ka moo a boletseeng bahlanka ba oona baporofeta kateng” (Tšen 10:7).

**P**onong ea tiiso ea bohloano, re ile ra bona sello sa batho ba hateletsoeng ba Molimo se emela sello sa batšepahalang ba mengaoha eohle. Sena se ile sa bapisoa ka meea e ka tlasa aletare e lilelang toka ea Molimo le phetsetso, e re: “‘E tla ba nako e kae, Morena?’” (Tšen. 6:10). Lentsoe le tsoang leholimo la re ba ke ba eme hanyane, honame letsatsi le ea tla leo Molimo a tla ahlola bao ba ba utloisang bohloko. Tšenolo 6:15–17 e bontša Jesu a khutlela lefatšeng lena le ho tliša kahlolo holim’a bohle ba entseng bokhopo holima balateli na hae b tšepahalang.

Pono ea tiiso ea bohloano e emetse maiphihlelo a batho ba Molimo ba mahlomoleng nalaneng, ho tloha nakong ea Abele ho fihlela nako eo Molimo qetellong a tla ahlola le ho pheteletsa “‘mali a bahalaleli ba hae’” (Tšenolo 19:2). Batho ba Molimo ba mahlomoleng ba lokela ho lula ba tiile le ho lumela hore Molimo o utloa lithapelo tsa batho ba hae.

Pono ea literompetsa tse supileng e bontša hore, nalaneng eohle, Molimo o se a kene lipakeng molemong oa batho ba hae ba hateletsoeng 'me o se a ahotse bao ba baba utloisang bohloko. Sepheo sa loterompeta tse supileng ke ho tiisetša batho ba Molimo hore leholimo ha le ea khutsa feela mahlomoleng a bona.

*\*Ithute thuto ea beke ena ho lokisetša Sabatha, 16 Hlakola.*

## Lithapelo tsa Bahalaleli

Tšenolo 8 e bula ka pono ea mangeloi a supileng a eme pela Molimo a itokiselitse ho letsa literompeta tsa oona. Pele literompetisa li letsoa, pono e 'ngoe ea kenella. Sepheo sa eona ke ho hlalosa se boleloang ke literompetisa tseo.

Bala Tšenolo 8:3, 4 'moho le tlhaloso ea mahlabelo a letsatsi ka leng ka tempeleng e fanoeng ka tlase mona: Botoloki ba se-Juda Bibeleng bo hlalosa hore sehlabelong sa mantsiboea konyana e ne e behoa holima aletare ea mahlabelo, 'me mali a ne a tšolohela tlase ho aletare. Mopriska ea khethiloeng o ne a nka libano tsa khauta ka hara tempele le ho hlalisa libano aletareng ea khauta ka sehlabelong. Ha moprista a tsoa, o ne a lahlela libano fatše, le ho etsa lerata le lehlo. Ka nako eo, baprista ba supileng ba ne ba letsa literompetisa tsa bona, ba tšoa qetello ea tšebeliso ea tempele ea letsatsi leo.

U ka bona hore na tšebeliso ea mantsiboea e sebelisitsoe joang ho Tšenolo 8:3–5. Ho hlakile hore lengeloi le amohela libano “aletareng ea khauta e pela terone” (Tšen. 8:3). Libano li emela merapelo ea bana ba Molimo (Tšen. 5:8). Ka hona, merapelo eo lengeloi le fanang ka eona pela Molimo ke merapelo ea batho ba Molimo ba hlorisoang. Merapelo ea bona joale e utluoa ke Molimo.

Tšenolo 8:3–5 e fana ka litaba tsa bohlokoa malebana le literompetisa ho Tšenolo:

- a. Literompetisa tse supileng likahlolo tsa Molimo ho batho ba koinihileng e le karabo thapelong ea batho ba hae ba hateletsoeng.
- b. Literompetisa li latela lefu la Jesu e e Konyana le ho latelana nalaneng eohle ho fihlela ho tla labobeli (sheba Tšen. 11:15–18).

**Bala Tšenolo 8:5 'moho le Ezekiele 10:2. Mohlohi oa mollo ke ofe o betsetsoang ho lira tsa sechaba sa Molimo? Ke joang pono ea Ezekiele e betsetsoang ho Jerusalema o koenhileng e supang semelo sa literompetisa tse ho Tšenolo?**

---



---



---



---

Lengeloi le tlatsa pitsa ea libano ka mollo o tsoang aletareng le ho e akhela lefatšeng. Ho hlakile hore mollo ona o tsoa aletareng eona eo merapelo ea bahalaleli e neng e fanoa ho eona. Sena se bontša hore likahlolo tsa literompetisa tse supileng li oela holima baahi ba lefatše e le karabo ho merapelo ea batho ba Molimo. Batho ba Molimo ba ea lebaloa, 'me Molimo o tla kena lipakeng bakeng sa bona ka nako ea hae.

## Se Boleloang ke Literompeta

Ho bontša bokena lipakeng ba Molimo molemong oa batho ba hae, Tšenolo e sebelisa papiso ea literompeta Testamenteng ea khale. Literompeta e ne e le karolo ea bohlokoa ea letsatsi ka leng ea Iseraele ea mehleng (sheba Num. 10:8–10 le 2 Likronike 13:14, 15). Molumo oa tsona o ne o hopotsa sechaba ka khumamelo tempeleng; literompeta hape li ne letsoa ntoeng, le ka nako ea kotulo, le ka nako ea mekete. Ho letsoa ha literompeta ho ne ho tsamaea ’moho le thapelo. Nakong ea khumamelo tempeleng kapa ka nako ea mekete, literompeta li ne li “hopotsa” Molimo ka selekane sa hae le sechaba sa hae. Hape li ne li hopotsa batho ho itokisetsa “letsatsi la Morena” (Joele 2:1). Nakong ea ntoea, ho letsoa ha terompeta ho neng ho tsamaea le merapelo, o ne o mema Molimo ho pholosa sechaba sa hae. Taba ena ke mokokotlo oa literompeta tsa Tšenolo.

**Bala Tšenolo 8:13; 9:4, 20, 21. Ke bafe ba oeloang ke likahlolo tsa literompeta tse supileng?**

Liketsahalo tse tlišoang ke literompeta tsa Tšenolo li bolela bokena lipakeng ba Molimo nalaneng e le karabelo merapelong ea sechaba sa hae. Ha litiiso ka kotloloho li tobile bao ba ipolelang e le bana ba Molimo, literompeta li tliša likahlolo khahlanong le baahi ba lefatše (Tšen. 8:13). Ka nako e tšoanang, ke litlhokomeliso ho batho ho ba tliša pakong pele nako e ba siea. Literompeta tse supileng li akaretse nako ea nalane ho tloha nakong ea Johanne ho fihlela ho phetheloeng ha nalane ea lefatše (Tšen. 11:15–18). Li letsoa nakong eo thapelo ea bokena lipakeng entseng e etsoa leholimong (Tšen. 8:3–6), le Evangeli e ntseng e rutoa lefatšeng (Tšen. 10:8–11:14). Likahlolo tsa literompeta ha li akaretse; li ama feela karolo ea boraro ea tlholeho. Terompeta ea bosupa e phatlalatsa hore nako e fihlile ea hore Molimo a nke sebaka sa hae se mo loketseng sa puso. Literompetsa tse supileng li supa hantle nako e tšoanang le ea likereke tse supileng:

- literompeta tse peli tsa pele li tliša kahlolo holima lichaba tse thakhisiseng Krete le ho hlorisa kereke ea pele, Jerusalema e koenehileng, le ’muso oa Roma.
- Terompeta ea boraro le ea bone li supa karabelo ea leholimo malebana le bokhelohi ba linako tsa medieval le ka mora-nchafatso.
- Terompeta ea bohllano le ea botšelela li hlalosa boemo ba bolefatše ka mora nchafatso, bo bonahatsoang ka tšebetso e kholo ea matemona e hulelang lefatše ntoeng ea Armageddon.

**Ha ho potso, nalane e tletse ke mali feela le bohloko. Ke joang ’nete ena e bohloko e re thusang ho hlokomela hore na seo re se tšepisitseng ka Jesu bohlokoa ha kae?**

## Lengeloi le nang le Buka e Phetliloeng

Terompeta ea botšelela e re tlisa nakong ea ho qetela. Batho ba Molimo ba bilelitsoe ho etsa eng nakong ee? Pele terompeta ea bosupa e ka letsoa, khefu ea tlhaloso ea kenngoa, se hlalosing tšebetso le maiphihlelo a batho ba Molimo nakong ea ho qetela.

### **Bala Tšenolo 10:1–4. Ho etsahala eng mo?**

Lengeloi, le nang le ponahalo ea Kreste, le tšoere nuka e pohetliloeng. Le beile leoto la lona holima leoatle le lefatše, ho bontša puso ea hae e akaretsang, le hore seo a tlo se phatlalatsa se na le boleng ba lefatše ka bophara. O hooa ka mohoo o kang ho puruma ha tau. Ho puruma ha tau ho supa lentsoe la Molimo (sheba Hos. 11:10). Johanne ha a lumelloe ho ngola seo lentsoeng le kang sealuma le se boletseng. Ho na le lintho tse amang bokamoso tseo Molimo a sa li senolang ka Johanne.

### **Bala Tšenolo 10:5–7. Bapisa sekha sena le Daniele 12:6, 7. Ke mantsoe a fe ao li nang le oona a tšoanang?**

Ha lengeloi le bolela hore ha ho “sa na nako” (Tšen. 10:6), lentsoe la se-Gerike chronos le bontša hore o supa nako e itseng. Sena se supa morao ho Daniele 12:6, 7, moo lengeloi le bolelang hore lihloriso tsa bahalaleli li nka nako, le linako le lehare la nako, kapa lilemo tse 1,260 (A.D. 538–1798). Kae kae ka moea nako ena ea boporofeta, bofelo bo tla hlaha. Polelo ea hore nako ha e sa tla suptjoa ka ea boporofeta ba Daniele, ha holo-holo matsatsi a 2,300 a boporofeta a Daniele 8:14 (457 B.C.–A.D.1844). ka mora nako ena, ha ho sa tla ba le nako ea boporofeta. Ellen White oa bolela: “Nako ena, eo lengeloi le e phatalalang ka mahlonoko, ke . . . nako ea boporofeta, e tlang ho etella pele ho tla ha Morena oa rōna. Ke hore, batho ha ba sa tla ba le molaetsa o mong o behetsoeng nako e itseng. Ka mora nako ena, e fihlang ho 1842 ho isa 1844, ha ho sa tla ba le ho lateloa ha nako e ikhethang ea boporofeta. Nako e telele e ka hopolehang e fihla hoetla ea 1844.”—Ellen G. White Comments, *The SDA Bible Commentary*, vol. 7, p. 971.

**See se re bolella eng ka hore na ke hobaneng re lokelang ho qoba ho beha linako tsa ka moso?**

## Ho ja Buka

Bala Tšenolo 10:8–11. Ho ja ka Bibeletng ho sebelisoa ho hlalosa ho amohela molaetsa o tsoang ho Molimo e le ho o phatlalatsa ho batho (sheba Ezek. 2:8–3:11, Jer. 15:16). Ha o amohetsoe, molaetsa ke litaba tse molemo; ha o phatlalatsa, ka linako tse ling litholona tsa teng lia baba ka ha o thibelo le ho latoloa ke ba bangata. Maiphihlelo a Johanne a monate o babang a ho ja Buka a amana le ho manolla boporofeta ba Daniele ba nako ea qetela. Johanne mona o bontša kereke e romiloeng ho phatlalatsa Evangeli qetellong ea nako ea boporofeta ea Daniele ea matsatsi a 1,260. Boemo bo supa hore maiphihlelo a Johanne a lipono a ne a supa maiphihlelo a mang a monate o babang qetellong ea nako ea boporofeta ea lilemo tse 2,300. Moo, mabapi le boporofeta ba Daniele, ba moraonyana ba bo Miller ba neng ba nahana hore Krete o tla khutla ka 1844, molaetsa oo o ne o le monate ho bona. Leha hole joalo, ha sena se sa etsahale, ba ba le maiphihlelo a monate o babang oa molaetsa oo ba o phatlalatseng. Thomo ea Johanne ea boela a “porofeta hape” lefatšeng e supa ho baleti ba bolokang Sabatha, ba rongoa ho phatlalatsa molaetsa oa ho khutla labobeli khokahanong le boporofeta ba Daniele.

### Bala Tšenolo 11:1, 2. Johanne o laeloa ho etsa eng?

---



---

Sekha sena se ntšetsa pele pono ea Tšenolo 10. Johanne o ile a laeloa ho lekanya tempele, aletare, le ba rapellang teng. Taba ea ho lekanya ka Bibeleng e supa ka tšoantšetso kahlolong (sheba Matt. 7:2). Tempele e lekanngoang ke e leholimong, moo Jesu a sebeletsang bakeng sa rōna. Ho supa tempele, le aletare le barapellang teng ho bolela le ho supa letsatsi la lipheko (sheba Lev. 16:16–19). Letsatsi la lipheko e ne e le letsatsi la ho “lekanya” ha Molimo a ahlola libe tsa sechaba sa hae. Ka hona, Tšenolo 11:1 e supa kahlolo e nkang karolo pejana ho ho khutla labobeli. Kahlo ena e ama ka ho khetholoha bana ba Molimo—ba rapellang tempeleng.

Tšenolo 11:1 e bontš'a hore molaetsa oa sehalalelo sa leholimo o itšetlehile ho phatlalatsaeng ha mapomela ha evangeli. E amana le ho pepesoa ha semelo sa Molimo. Ka baka leo, e totobatsa tšobotsi e feletseng ea evangeli malebana le mosebetsi oa lipheko oa Krete le ho loka ha Hae e le eona feela tsela ea topollo ea motho.

**Ka ho tseba hore na mali a ne a le bohlokoa ha kae letsatsing la lipheko (sheba Levitike 16), Ke joang re ka behang kapele ho rōna bonnete ba hore kahlolo ke litaba tse molemo? Hobaneng 'nete ee e le bohlokoa?**

## Lipaki tse Peli

**Bala Tšenolo 11:3–6. Ke ka litsela life lipaki tsee tse peli li supang Sorobabele le Joshua boemong ba bona e le Morena le Moprsta? Sheba Zak. 4:2, 3, 11–14.**

---

Taba ea lipaki tse peli e tsoa mokhoeng oa molao oa se-Juda, o ne o hloka bonyane lipaki tse peli hore ntho e tle e be 'nete (Johanne 8:17). Lipaki tse peli li emetse Bibe; empa hape li ka emela sechaba sa Molimo ha e ba lipaki tsa Bibe. Bobeli bona bo ke ba aroloa, ka hobane sechaba sa Molimo se bilelitsoe ho tla phatlalatsa Bibe ho lefatše. Lipaki li bontšoa li porofeta li apere masela a mahoashe ka nako ea lilemo tse 1,260 (A.D. 538–1798). Sena se supa morao ho Tšenolo 10:11, moo Johanne a boleletsoeng hore e ka khona a porofete. Sena se bontša hore pitso ena ea ho porofeta e fetela ho kereke, e lokelang ho tsoela pele ho phatlalatsa 'nete ea Molimo lefatšeng. Liaparo tse mahoashe ke seaparo sa ho hlomoha (Gen. 37:34); se supa nakong e thata eo sechaba sa Molimo se lokelang ho feta ho ena ha ba ntse ba “porofeta hape.”

**Bala Tšenolo 11:7–13. Ka mantsoe a hao, hlalosa se etsahetseng ka lipaki tse peli qetellong ea matsatsi a 1,260 a boporofeta.**

---

Sebata se bolaeang lipaki tse peli se tsoa moo ho lulang eena Satane. Ho bolaoa ha lipaki nalaleng ho supa tlhaselo ea ba lumeleng ho Molimo holima Bibe le ho thibelo ha bolumeli malebana le nchafalo ea Fora. Mokhoa ona o nenang bolumeli o na le ho hlepha boitšoarong ha Sodoma, le boikhohomoso bolimong ba Egepete, le bokoinihi ba Jerusalema. Se etsahetseng ho Jesu Jerusalema ha joale se etsahala ho Bibe ke mekhoha ena e nenang bolumeli. Ho tsoa bafung ha lipaki tsena ho supa tsosolosong e kholo ea thahasello Bibeleng hang ka mora Nchafatso ea Fora, e ileng ea bulela ho thehoa ha mekhatlo ea Bibe le mengata le lihlopha tsa barumuoa ka sepheo sa ho hasa Bibe.

Pejana ho bofelo, lefatše le tla bona ho rutoa ha Bibe ho pharalla ho feta pele nalaneng. Phatlalatsa ena ea ho qetela e tla ba le mokhoa o monate o babang, ka ha e tla tsoa khanyetso e matlafatsoang ke tšebetso ea matemona a etsang mehlolo ho hohella lefatše ntoeng ea ho qetela khahlanong le lipaki tsa Molimo tse tšepahalang (sheba Tšen. 16:13–16).

## Khopolo e Eketsehileng:

Terompeta ea bosupa (Tšen. 11:15–18) ke pontšo ea qetello ea nalane ea lefatše lena. Nako e fihlile hore Molimo o bonahatse matla a ona le Borena. Lefatše lena la bokoinihi, le bileng tlasa puso ea Satane ka likete tsa lilemo, le se le tla khutlela tlasa taolo le puso ea Molimo. E bile ka mora lefu la Kreste sefapanong le nyolehelo ea Hae leholimong, moo Satane, ea ikentseng mpoli, a ileng a lelekoa ka ho sa feleng leholimong, 'me Kreste a phatlalatsoa e le Khosi e loketseng ea lefatše (Tšen. 12:10), leha Satane a ka tsoela pele ho etsa tšenyō eohle eo a ka e khonang, ka ho tseba hore nako ea hae ha e kae (Tšen. 12:12). Terompeta ea bosupa e bolela hore matla a bompoli ho sebetsanoa le oona le hore le hore fatše lena qetellong le tlile tlasa matla a nepahetseng puso. Terompeta ea bosupa e hlalosa se fuperoeng ke halofo ea bobeli ea buka, e buang ka liketsahalo tsa ho qetela: (1) Lichaba li ne li halefile: Tšenolo 12–14 e hlalosa Satane a tletse ka khalefo (Tšenolo 12:17), 'moho le bo mphato ba hae ba babeli—sebata se nyolohang leoatleng le sebata se tsoang lefatšeng—ho lokisetsa lichaba tsa lefatše ho loana khahlanong le sechaba sa Molimo. (2) Khalefo ea hao e tlile: Molimo o arabela khalefo ea lichaba ka likotlo tse supileng tsa ho qetela, tse boleloang ka hore ke tsa khalefo ea Molimo (sheba Tšen. 15:1). (3) Nako ea hore ba shoeleng ba ahloloe e hlalosa ho Tšenolo 20:11–15. (4) le ho putsa bahlanka ba Molimo e hlalosisoa ho Tšenolo 21–22. (5) Ho senya ba senyang lefatše: Tšenolo 19:2 e bolela hore Babylona oa nako ea ho qetela o ahloloe hobane a sentse lefatše. Timetso ea Satane, le makhotla a hae, le lipaki tsa hae tse peli ke ketso ea ho qetela ketsahalong ea ntoa e kholo (Tšenolo 19:11–20:15).

## Lipotso tsa Puisano:

1. Ka nako tse ling re fumana hore ho ruta evangeli ho ka ba hobe (Tšen. 10:10); mantsoe a rōna a latoloa, le ho sonngoa, 'me le rōna re latoloa le ho sonngoa. Ka nako tse ling ho ruta hoka tsoala likhang. Ke bo mang ka Bibeleng bao uka ba nahanang ba ileng ba tobana le liteko, 'me ke eng eo re ka ithutang eona maiphihlelong a bona le rōna?
2. Nahana ka polelo e latelang: “Khafetsa ke ile ka hlokomelisoa malebana ho beha linako. Ha ho sa tla ba le nako eo molaetsa oa bana ba Molimo o tlang ho ipapisa le nako. Ha rea lokela ho tseba nako eo e leng eona e kaba ea tšollelo ea Moea o Halalelang kapa ea ho tla ha Kreste.”—E.G. White, *Selected Messages*, bk 1, p. 188. Ke mathata afe ao u a bonang a ho etsa letoto la liketsahalo tsa boporofeta tsa liketsahalo tsa ho qetela ka mora 1844? Ke joang re ka itšireletsang khahlanong le ho oela lerabeng le ka tlišoang ho lotomanya liketsahalo tseo?